

Bezit attantif da glevet
Buez sant Gildas beniguet,
Abbat bras, Ieshanvet ar fur,
Natif a Vro-Saos, a dra sùr.

C'hoec'h vla quent ar c'hoec'hvet canvet,
Tost da guer Bath eo bet ganet :
Somerset eo c'hoas ar c'homte
En pelec'h a velas an de.

D'he dad a caver daou hano ;
Herve darn Caunnus, ha darn Nau,
Eun digentil ha pinvidic :
Voar he vam an histoar zo mic.

C'hoec'h buguel oa er famil-ze ;
Eur plac'h seul oa eus aneze ;
Ar yaouancan oa sant Gildas,
Dreist ar re all vertuzus bras.

Peteona a oa he c'hoar,
Herve ma rapport an histoar :
Alleus, Melloc, Egreas,
Caillus evit breudeur a gontas.

Sant Iltut, den savant meurbet,
A neveys aneza disquet
En memes amzer gant sant Pol
A sant Samson Arc'hescop Dol.

Gildas, meurbet disposet mad,
Eus eur c'haracter deread,
Er scol-ze cals a brofitas,
Hac er vertu a avanças.

D'ar stodi gant application
En em roe a greis calon :
Vit bout yaouanc, vel eun den coz,
A oa daro, hep meur repos.

Dre eur gondou quer reglet-ze,
He galon na glasq met Doue,
Pehini seul h'en rent contant,
Bars an dousça recueillamant.

Disqui res caret ar retret,
En queit a ma chomas er bed ;
Evelse he vocation,
Evit he stad a oa guirion.

Ebars ar gouent diriget
Gant sant Iltut, oe beleguet,
Hac en Irland a tremenas :
Er vro-ze c'hoas a studias.

En scol disquibien sant Patriç,
Elec'h ma ret brezel d'ar viç,
A surpass souden he vestro
En savoar hac en vertuio.

Persuadet en bras penos
Nel d'en caver daou varados,
A chozas an hivi padus,
Promettet d'an dud vertuus.

Evelse mortification,
Peden hac humiliation,
Herve exempl Salver ar bed,
O deus he vuez oll carguet.

Vit beza quer an traou brema,
Ha cals a bopl var ar bed-ma
Greomp vel sant Gildas, Abbad,
Neuse vezoint prest mare'had mad.

Hac vit beza seiz deiz er yun,
Epad c'hoec'h mar chomfemp da yun,
Pep seiz a dud gant boed unan
A vevfe certen, hep cåt poan.

En effet, bep zun tri repas
A rassasie sant Gildas ;
C'hoas he brejo seav a vije,
Ha james met dour na efe.

Etof gros a oa he roben,
Gant couris reun var he groc'hen :
Offr a re bemde he vue
En sacrificiç d'ar guir Doue.

Var an douar yen a gousque,
Eur men da blinc a laque :
Humbl ha soucias oa meurbet
En oll circoustanço ar bed.

O Doue, pebes differans !
Nin na glescomp met jouissans,
Mado, cher vad hac henorio :
Elec'h poan, plijadurezo.

He vuez a neus tremenet
En tri ermitaj situet
En Breiz, tostic da Quiberon,
Hac ive da vord ar mor don.

En departamant Morbihan
Emedi, sùr, an tri plac-man ;
Unan ous rivier ar Blavet,
Ha tout en escopti Guenet.

Da tregont vla n'em retiras
En enez Houat ar sant bras ;
Dr'er vro he exempl, he gomzo
A douche an oll galono.

Quer bras foul a de d'he glevet
Ma n'em gavas prest obliget
Da choas eun demeurans newe ;
En eur c'hastel, tost d'ar plac-ze.

Ar c'hastel-ma oa situet
En enezen Ruis hanvet,
Elec'h souden res hadsevel
Eur gouënt caër, urzet santel.

Er bla pevar c'hant met unan
Ar roue Grallon, da guentan,
A vatissas ar gouënt-ze,
Digouet d'ar c'homt Gueroç goude.

Chef eus an etablissamant,
Gildas a res eur reglamant
Pehini oa leun a furnez,
Favorabl d'ar silvidiguez.

Estranjourien, nombr a dud clân
A n'em rent bemde er plac-man ;
Ma chanch an abad a ganton,
Vit n'em livra d'an orêson.

Neuse, evel ar Vadalen,
A n'em retir en eur grotten,
Ebars creis eur roc'hel formet,
Var vordic rivier ar Blavet.

Deus he hermitaj sant Gildas
A rente da gals servij bras :
Ruis lies a visite,
Ha tud ar bed a dirige.

Quer agreabl oa da Doue
Ar servijer ma, nos ha de,
Ma oe carguet eus a c'hraço,
Gant donêson ar miraclo.

Eur veaj ar mor a dec'has
Dre beden an abbad Gildas,
Hep retorn mui d'an andret-ze,
Rentes douar labour neuse.

Guellât res eur paraltic
Dirac ar roue Aimmeric,
Souveren eus an Hiberni,
Pa brezegue gant sant Ivy.

Eus eur roc'hel Gildas a denn,
Evit he prenest, eur veren,
Pehini just a n'em gavas
Eus an andret ma digoeas.

En faveur tud h'en visite
Dour en guin a chanchas ive ;
Reut a rentas treid volerien
Pere glasque terri he benn.

Eus a guichen rivier Blavet
Ar mor bras a neveys irenjet
Bet en Irland, voar he vantel,
Vit guelet eur mignon santel.

Pevar diaoul a oa ganta
Ebars eur vag o naviga,
Pere prest h'en abandonnas,
Evel ma eure sign ar groas.

Mez, bars couënt sant Philibert
A n'em gav, hep drone na danger :
Neuse nevoe gant he vignon
Joa vras ha consolation.

Comor, comt cruel a Guerne
He oll groaguez a distruje
Pa n'em gavent douguereset,
Hep sort compassion abet.

Gildas deza a brocuras
Vit grec eur plac'h vertuns bras,
Trefina, merc'h da comt Guenet,
Pehini oa Gueroe hanvet.

Propriété de l'Auteur.

Ar vrec-ma, mam da sant Tremeu,
A gavas ar memes malheur :
Dougueres a oe dibennet
Gant Comor, pried cri meurbet.

Mez coustout a res cals deza
Beza commettet ar c'hrim-ma ;
Gildas a discar he gastel,
Blessa ra c'hoas an den cruel.

Ressuscita ra Trefina,
He map sant Tremeur memestra
Da baeron deza a servij,
Pa oe badeet en Ruis.

Disec'ha ra eul loden vor,
Evit arreti ar furor
Demeus eur pirat arraget,
Pehini na oe mui guettet.

Erfin, dre faveur he beden,
Eur gaër a femuteun a obten ;
Doue deza a revelas
Just an devez ma decedas.

Da c'hoeczek vla ha triuguent,
En mis guenver nao var nugnent,
Er bla pemp cant triugent-dec,
En enez Houat eo marvet.

Quent vit monet d'ar guir Sion,
A roas he venediction,
Goude beza sacramantet,
D'he disquibien oll assamblet.

Dindan an Impalaër Justin
A veve an abbad divia :
Er memes amzer a réne
En ker Rom ar Pap Yan Trede.

Sant Gildas n'eus, en Breiz-Izel,
Meur a ilis hac a chapel :
Henvel aneze oll amâ
A ve donet d'oc'h annuia.

Ebars escopti an Naonet
Unan a gaver situet :
Iis caër Sant-Gildas-ar-C'hoat,
Canton, tost da guer Roc'h-Bernard.

Sant-Gildas-Ruis ive zo
Commun eus a ganton Parzeau ;
En arrondissamant Guenet,
Tostic da Brat ar Vartyret.

Eur chapel zo en Tonquedec,
Bars an escopti Sant-Briec ;
Eur baros en canton Quintin,
Memes escopti, evit fin.

Tost bras da guer an Oriant
A n'em gave cavarn ar Sant ;
Pehini a nevoa choazet,
En bordic rivier ar Blavet.

Sant Gildas bras eo ho pouvoar
En env, dirac Rone ar Gloar
Obtenet deomp, ni ho suppli,
Mout ganec'h eun de d'hen meuli.

MARTIN.